

V I R O
 EXCELL. NOBILISS. ac PLVR. REVER.
 DOMINO
 M. PETRO
 IAENICHIO

GYMN. THOR. RECT. & PROF. PRIMAR.
 FAMIGERATISSIMO,
 NEC NON AD AEDEM B.M.V. ECCLESIASTAE
 MERITISSIMO,

HABITA DOM. EXAVDI AN. CHR. DCCXXIII.
 CONCIONE AVSPICALI

*In ordinem Sacrum pleno iure ac titulo solemniter
 cooptato,*

PRAECEPTORIS SVI FIDELISSIMI
 SVMMIQUE PATRONI

Aeternum futurus memor,

OB DIGNITATEM SACERDOTALEM

gratulabatur

Cliens devotissimus,

IACOBVS Schmidt/ Thorun.



T H O R V N I I

Typis Ioh. Nicolai, Nob. SENAT. & Gymn. Typograph.



*Vr sponte linoit dulcia limina,
Perenne lucrum mercibus aucupans?*

*Cur mille post casus carinam
Mercurio deditus revisit?*

Non Eurus illum, non pelagi Notus

Ex aestuanti turbine terreat:

Non Scylla nigrantesque nubes

Dimoveant avidum lucello.

Quin ille spretis Acrocerauriis

Laetus secabit caerulea: non Jove

Subfrigido, aut Phoeboperustus

Destituet fragilem carinam.

Sic contumaci pectore dum ruit,

Coelique tristes sollicitat minas:

Indos adit Seresque molles,

Ac rutilos revehit lapillos.

Quam margaritas attonita stupet

Marita, vestes quum Tyrias videt!

Quam fulgidum stringit metallum,

Certae Orientis opes, ocellos!

Labentur annis ista fugacibus:

Lugebit heres, Copiam ab aedibus

Migrasse cum stridore acuto,

Ac vitreas rapuisse gazas.

At

At mentis amplae divitiae manent,
Durantque in aevum: seu Stoa mascula,
Seu dia comportet Mathesis
Divitias, tenebrasque pellant
Fasti Quiritum; codice vel sacro,
Ecclesiae vel promere Scriniis
Antiqua, per campos Pelasgum
Aut volitare iuvet feraces.
Trebonianus siquid in abditis
Chartis recondit; si Machaonia
Morbona debellatur arte;
Vel Physice sua regna pandit:
Hoc omne gazis Attalicis putat
Longe esse maius Pieridum chorus:
Sic nomen aeternum vigere,
Aethereasque plagas adire.
Hic ille honestus Daedaleum decet
Mercatus orbem: has nullus opes rapit
Gradivus, aut Vulcanus urit,
Nec Siculi sepelit ruina
Montis. Minentur fluctibus arduis,
Nubesque pulsant aequora concita;
Ingrata vel civem Biantem
Eiciat miserum Priene:
Fortuna partam adversa scientiam
Opesque mentis nunquam adimet: micat
Ardentior virtus pyropo,
Ac viridi melior smaragdo.
Tales Lyce **IAENICHIVS** dedit
Merces repostas ingenio haec tenus:
Ditarvit his doctam iuventam,
Profuit & senio sagaci.

Nunc

Nunc margaritas, quando habitum novum
Sumfit Sacerdos, omine prospero
Ecclesiae depromit idem,
Sidereas properatque merces
Svada-medulla fundere. *Quam Tuâ*
Dives phaselus, plena DEo viget
Cum mente quam foecunda lingua,
Deficiunt laticesque unquam!
Stipatus ibis, **VIR VENERABILIS,**
Cohorte bina: Pierides Tuum
Hinc gratulabundae, hinc Fideles
Cingere posse latus triumfant.
Dicent: Beatus, qui bene temperat
Vtrumque Pindum! qui bene pulpita
Direxit, hic sacras vicissim
Thure pio cumulabit aras.
Sit haec perennis laus Tua: dextera
Vires Tonantis det Tibi ferreas:
Det robur invictum, catenis
Stringere posse nefas, malosque
Vincire mores. Sic duplici grege
Cinctus subibis, dummodo serius,
Sedes beatas: hac superbus
Testa poli sobole tenebis.

